



Broj: 02-11-1112-3/23

Fojnica: 31.7.2023. godine

Na osnovu člana 69. stav (2) tačka d), člana 70. stav (1), (2), (4) i (6) Zakona o javnim nabavkama Bosne i Hercegovine („Službeni glasnik BiH“, broj: 39/14 i 59/22) i člana 39. Statuta Općine Fojnica – Prečišćeni tekst („Službene novine Općine Fojnica“, broj: 2/15) na preporuku Komisije za javne nabavke, broj: 02-11-1112-2/23 od 28.7.2023. godine, Općinski načelnik donosi

**ODLUKU**  
**o poništenju Konkurentskog zahtjeva**  
**za dostavu ponuda za nabavku robe - transportnog betona**

**Član 1.**

Poništava se Konkurentski zahtjev za dostavu ponude za nabavku robe – transportnog betona, iz razloga što nijedna od primljenih ponuda nije prihvatljiva.

**Član 2.**

Ova Odluka objavit će se na veb stranici Općine Fojnica, u skladu sa članom 70. stav (6) Zakona o javnim nabavkama Bosne i Hercegovine („Službeni glasnik BiH“, broj: 39/14 i 59/22).

**Član 3.**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

**Obrazloženje**

Postupak javne nabavke pokrenut je Odlukom o pokretanju postupka javne nabavke, broj: 02-11-1112/23 od 12.7.2021. godine.

Javna nabavka provedena je putem Konkurentskog zahtjeva za dostavu ponuda.

Postupak je proveden sa objavom Obavještenja o javnoj nabavci na Portalu javnih nabavki, broj: 546-7-1-30-3-22/23 od 14.7.2023. godine.

Komisija za provođenje postupka javne nabavke imenovana je Rješenjem broj: 02-30-55/23 od 11.01.2023. godine,

Komisija za javnu nabavku dostavila je Zapisnik o pregledu i ocjeni ponude sa preporukom broj: 02-11-1112-2/23 od 28.7.2023. godine.

U postupku po izvještaju o radu utvrđeno je da je Komisija za javne nabavke blagovremeno i pravilno izvršila otvaranje ponuda i ocjenu ponuda, o čemu je sačinila odgovarajući zapisnik u kojem je utvrđeno sljedeće:

- Da je ukupan broj prispjelih ponuda jedan (1);
- Da je ukupan broj blagovremeno prispjelih ponuda jedan (1);



- Da nije bilo neblagovremeno zaprimljenih ponuda.

Iz Zapisnika o pregledu i ocjeni ponuda broj: 02-11-1112-2/23 od 28.7.2023. godine za predmetni postupak javne nabavke je vidljivo da ponuda ponuđača „Graming“ d.o.o. Kiseljak nije dostavljena u skladu sa uslovima iz tenderske dokumentacije.

#### **Ponuđač nije dostavio:**

- **Izjavu o ispunjenosti uslova iz člana 45. stav (1) tačaka od a) do d) Zakona o javnim nabavkama BiH („Službeni glasnik BiH“, broj : 39/14 i 59/2), Aneks 4, kako je definisano tenderskom dokumentacijom:**

(„U svrhu dokazivanja lične sposobnosti ponuđač mora dostaviti izjavu ovjerenu od strane nadležnog organa (organa uprave ili notara), u skladu sa formom koja je prilog konkurentskom zahtjevu kao **Aneks 4 TD. Ponuđač kojem bude dodijeljen ugovor dužan je u roku od pet dana od dana zaprimanja obavještenja o rezultatima ovog postupka javne nabavke, dostaviti dokumente iz člana 45. stav (2) Zakona, kojim dokazuje vjerodostojnost date izjave, odnosno ispunjenje uslova definisanih tačkom 3.1. a). Tenderske dokumentacije** Naime izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona. Dostavljeni dokumenti moraju biti original ili ovjerene kopije.“)

- **Pismenu izjavu iz člana 52. stav (10) Zakona o javnim nabavkama, Aneks 5.**

- **Ponudu izrađenu u skladu sa tačkom 4. 2 Tenderske dokumentacije** (u dostavljenoj ponudi nedostaju stranice 6. i 7. koje se odnose na Anek 4. i Anek 5 tenderske dokumentacije, dok stranica pod rednim brojem 15 nije parafirana od strane ovlaštenog lica ponuđača), kako je definisano tenderskom dokumentacijom:

(„Ponuda se izrađuje na način da čini cjelinu. Ako zbog obima ili drugih objektivnih okolnosti ponuda ne može biti izrađena na način da čini cjelinu, onda se izrađuje u dva ili više dijelova. Ponuda se čvrsto uvezuje na način da se onemogućí naknadno vađenje ili umetanje listova. Ponuda mora biti čvrsto uvezana i sve strane ponude numerisane i parafirane od strane ovlaštenog lica ponuđača (izuzev dokaza o garanciji za ozbiljnost ponude, te štampane literature, brošura, kataloga i sl.).

Pod čvrstim uvezom podrazumijeva se ponuda ukoričena u knjigu ili ponuda osigurana jamstvenikom“).

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

U postupku je utvrđeno da je Komisija u svemu pravilno postupila te da je preporuka o poništenju postupka nabavke dana u skladu sa Zakonom o javnim nabavkama, pod zakonskim i internim aktima i tenderskom dokumentacijom.

Naime, u postupku predmetne nabavke nesumnjivo je utvrđeno da ponuda ponuđača „Graming“ d.o.o. Kiseljak nije dostavljena u skladu sa uslovima iz tenderske dokumentacije čime su se stekli uslovi za poništenje predmetnog postupka javne nabavke.

Iz navedenog razloga, primjenom člana 69. stav (2) tačka d), člana 70. stav (1), (2), (4) i (6) Zakona o javnim nabavkama BiH, te primjenom Pravilnika o internim procedurama u postupku javnih nabavki roba, usluga i radova u Općini Fojnica, odlučeno je kao u članu 1. ove Odluke.

**POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od pet (5) dana od dana prijema ove Odluke na način propisan Zakonom o javnim nabavkama („Službeni glasnik BiH“, broj: 39/14 i 59/22).

**Dostavljeno:**

- „Gaming“ d.o.o. Kiseljak
- Komisija za javne nabavke
- A/a



**OPĆINSKI NAČELNIK**

**Sabahudin Klisura, dipl. ing.**